

тайны вся и весь разум и аще имам вся веру, яко горы преставляти, любве же не имам, ничто же есть. И аще ухлеблю вся имениа моя, и аще предам тело мое, да сожгут мя, любве же не имам, никакая полза ми есть».^н Златоголосивый же Иоанн о сем тако пиша, глаголет: «братие, и до конца любовнаго долга да не расторгнем, но и другицыи должен и конца не имея, всяк бо долг воздается, любы же конца не имать, яко бо всяк долг нужна есть воздаяти, любовию же должен быти друг другу». Послушайте божественаго Павла, глаголюща о должных и воздаемых, кроме любве, «воздадите, — рече, — долги, ему же дань — дань, ему же страх — страх, °ему же мзда — мзда, ему же честь — честь»,^о приближи бо ся к любви. Не рече к тому апостол, воздадите любовь, но что ино рукописание ея пишет, что глаголя, «ничим же никому же будите должни, но еже любите друг друга»,^п почто яко любы истекание есть благодати божиа, ||

л. 194 свыше имат бытие, не погибает з землю, не мимо идет с небом, не тлеет с солнцем, не посмражет с луною, не падет со звездами, не отпадает со древы, не увядает со цветы, не умирает со умирающими. Кто же сему послух? Сам вочеловечивыйся за любовь Христос, что глаголя: «Небо и земля преидут, словеса же моя не преидут».^р Коя словеса, яже рече к своим учеником, «о сем разумеют вси, яко мои ученицы есте, аще любовь имате в себе».^с Оле господня премудрости! Не рече, яко о сем разумеют вси, яко мои ученицы есте, аще мертвеца вставите, аще ослабленыя встягнете, или слепца очиты сотворите, но аще любовь имате в себе, почто, яко вся чудотворения менши есть любви. Занеже любы со ангелы живете, со архангелы ликовствуете, с херувими веселитесь. Любовь стяжи — железо притупится, любовь стяжи — ковник не обретается, любовь

л. 194 об. стяжи — молва церковная престанет, || любовь стяжи — еретик не величается, любовь стяжи — убогий не плачется, любовь стяжи — змий пакости не сотворит, любовь стяжи, да вкратце рку, причастник царствию небесному будещи. И инда паки той же златословесный глаголет: «царство божие желяюще возлюбим друг друга, зависть поперуще, ярос нязложше, клеветы отвращающесе, леность, отгоняще, сиа убо аще кто стяжет, без труда вознесетя на небо и сын божий наречетя, и престолу божию предстанет. Милостинею же аки водою погаснут греси, тем же, братие, возлюбим ю, таковыя бо господь блажит глаголя, «блажени милостиви, яко ти помиловании будут».^т Сиа убо вся прочитати достоин со вниманием, да обрящемся во господних заповедех творцы, а не послушницы. Яко же и Яков брат господень по плоти, пиша, глаголет: «якой же есть послушник слову, а не творец, таковой уподобися мужу смотрящему лице бытия своего в зеркале, усмотри бо себе и отиде и абие забы каков бе. Приникий же сей не послушник забытливый, но творец делу».^у О Христе Иусе о госпде нашем ему же с собезначалным отцем и с пресвятым духом купно слава и держава ныне и присно и в бесконечныя веки веком аминь.

II

л. 195

Слово к верным, иже христиания словом нарицаются, богови же супротивящесе коварсты и в сем на ся греха не возлагают.

Благослови, отче

Святаго духа силою счиненная словеса, написанная от древних святых богоносных отец, во всех святых книгах глаголют, яко перваго чело-

^н I Кор., XIII, 1—3. °о В ркл.: ему же честь-честь, ему же мзда-мзда; *наверху*
знаки перестановки 1 и 2. Рим., XIII, 7. ^п Рим., XIII, 8. ^р Марк., XIII, 31.
^с Иоанн, XIII, 35 ^т Матф., V, 7. ^у Иаков, 1, 23—25.